




Familia Ecury
Aruba.

NOS

LUCHA



Curacao: 5 Mei 1947.

Nº 14

Redactor/ Editor
Seccion Pietermaai di Partido Catolico
E courant aki ta sali cada dos siman.

Impresor
C.W.F. Davelaar.

RAPPORT DI COMISION PARLAMENTARIA NA PARLAMENTO HULANDES.

Awe nos tin placer di duna publicidad di parti dje rapport cu Comision Parlamentaria a entrega na Parlamento Hulandes y cu ta toca intimamente na COMISION DI PUEBLO, manera nos COMISION a recibi esei:

pag: 16 ta bisa: Comision Parlamentaria a jega aerodromo Hato banda di Willemstad dia Sabra anochi di 25 di Januari 1947.

Aja na promé lugá e comision a hanja bonbini na nomber di Su E. Gobernador, luego diputadonan di Camara a keda saludá pa representantenan di diferente partido politico, despues un cantidad enorme di miembronan di COMISION DI PUEBLO a duna bonbini bao di canto di himnonan nacional.

pag: 19 ta bisa: Aunque no por clasificá COMISION DI PUEBLO bao di organizacionnan politica, toch e COMISION DI PUEBLO na Corsouw a trece hopi deseonan politico adelanti, den un entrevista cu Comision Parlamentaria tabatin cu lidernan di e Comision. Como principal ta anotá, nan deseo pa un sufragio universal. Representantenan di e organizacion aki a muntra tambe riba e necesidad pa alza nivel di educacion den distritonan y pa mejor enseñanza tecnica.

Luego e COMISION PARLAMENTARIA a recibí representantenan di 2do y 3er distrito. E representantenan aki a duna di conocé deseonan pa establecé un gobierno responsable cu conseho di

aldeanan pa cuida interesnan local general den nan mes esfera, pa introduccion di eleccion pa nomber y muhernan en general y pa arreglo di problemanan di nacionalidad. Den 2do distrito tin e deseonan ferviente pa mejor acueducto, pa mejor iluminacion, mejor enseñanza y mejor camina. Socialmente tin deseo pa mejor arreglo den huurmento di terreno, mientras a keda demostrá necesidad pa extencion di servicio medico. Representantenan di 3er distrito a para ariba pa establecimiento di un consejo municipal, cu consejo di distrito y cabeznan di distrito. Mejor camina y mejor enseñanza tabata deseonan, cu tabata den e pueblo di e distrito aki tambe, mientras aki tambe tin necesidad di mejor arreglo den servicio medico.

Hasta aki loke ta toca na nos COMISION DI PUEBLO.

Manera noshendenan por mira, nos COMISION tin motibu di ta satisfecho di su trabao, manera nos sabi te na e momento aki, nos proyecto di ley ta pegá aki na Corsouw, ma nos no ta lubidá riba e dos telegramnan cu nos COMISION DI PUEBLO a manda y cu pa e relato aki, nos tin tur derecho y tur confianza cu tantu Ministro como Mr. Kropman lo ta ma bon nota qd nan y aunque ta da poco, nos tin tur confianza di hanja un bon resultado.

Nos no por permiti cu e proyecto keda pegá aki na Corsouw, mientras na Hulanda tin hendenan cu a y ta comprendé nos deseonan, no lubidá cu Dr. DA COSTA GOMEZ ta na hulanda. Pronto nos lo tende algo

8

Sr: Plantz ondervoorzitter
di Staten
en comision pa Hulanda

Den Democraat di dia 25, nos a lesa un articulo cu ta papia di Sr. Plantz su biahe en comision pa Hulanda, pa trata, cu e asunto di pound sterling cu ta acumulando aki na Corsouw, por jega na su fin.

Nos kier aprobecha di ocasion aki pa felicita miembronan di Staten cu a usa nan conocimiento e viaje aki y a scohe Sr: Plantz pa forma parti den es comision, como Sr: Plantz ta e unico miembro den Staten cu nos por a nota cu tabata comprende explicacionnan cu Dr: Da Costa Gomez tabata duna den Staten en cuanto nos asunto monetario. Aunque den e articulo di Democraat nos a leza, cu nan tin un respect pa Doctor su otro conocementonan, pero ta bisa cu finanza nunca tabata su fuerza, nos kier recorda lectornan riba loke Doctor a papia na diferente ocasion den reunionnan na Pietermaai y otro camina. Doctor a bisa: "Nos situacion di dollar ta critica y gobierno mester tuma medidanan fuerte. A jega e momento cu Corsouw mester tin derecho pa usa dollarnan cu su trahadonan ta produci. Cu si nos no tin suficiente dollarnan nos no por haci nada" Esakinan ta palabranan cu Dr: a papia na diferente ocasion, awor e nan cu no por a comprende ta bisa, cu finanza nunca tabata su fuerza, pero nos ta contento cu awor cu Dr: ta na Hulanda, nos gobierno a dicidi di manda un comision pa trata e asunto aki. Nos ta sigur cu Dr: lo continua su esfuerzo y cu e comision menciona lo tin un gran yudanza den persona di Doctor y cu Doctor Da Costa Gomez lo logra hanja suficiente dollarnan pappida economica di Corsouw.

REMITIDO

ASAMBLEA A DUNA CARTA BLANCA ??

Algún dia pasá m'a tende for di combersacion di dos hende cu por ta na altura di sucesonan den centro Gubernamental, cu nan ta trahando duru riba "REORGANIZACIÓN DI CUERPO POLICIAL". E intencion ta, di forma un solo cuerpo y di no mantene tres diferente cuerpo, manera nos tin awor. Esaki lo ta masja bonita, si e reorganizadornan tene cuenta, cu tin cierto departamento di un cuerpo policial cu semper lo mester rendi mas cu otronan y cu mester ta den estudio continuamente y cu personal di e de-

partamento aki no por ta igualá cu esnan cu ta camna na caja pa avisa un chofer unda E no tin derecho di para cu su auto. No ta esaki ta e punto cu ta obliga mi di publicá cu m'a scucha combersación di otro hende, sino cu eifor m'a tende tambe, cu pronto lo bai un di nos autoridadnan policial Holanda, pa bai busca personal pa e cuerpo cu lo keda reorganiza. Ta necesario pa bolbe importa mas personal for di Europa pa nos cuerpo policial? Asamblea a duna su aprobación na e proyecto aki? Ta bisá, cu Asamblea den principio ta di acuerdo cu e proyecto pa reorganización di cuerpo policial, pero tambe pa importación di personal for di Europa? Por ta cu asamblea a dicidi esei den un reunion secreto cu no ta secreto y den cual reunion, segun su reglamento interior, Asamblea no por a tuma decisión?? Por ta cu Asamblea a declaré en principio di acuerdo cu e proyecto y duna carta blanca, sin tene cuenta cu resultado di esei? Por ta cu Asamblea a jega na conclusión cu un poliz mester ta Europeo??

L O S

Situacion desastrosa.

Nos ta desea di hala atencion di autoridad correspondiente riba situacion mas cu desastrosa di habitantenan di Lagoen, kendenan ta completamente fuera di comunicacion cu otro pueblo pa motivo cu ainda aja nan no tin comunicacion telefonica. Un poz na Lagoen, tanki pa deposita awa y kranchinan den camina y sin embargo e hendenan a haja nan obligá di mester bai te na poz pa haja awa, pa motibo cu e tanki tabata completamente kibrá un anja largu. Nos kier puntra, pakiko nos gobierno ta permiti abandono di un asunto asina, cu a costa placa y cu ta na interes di pueblo. Tapa di e boca di poz tabata tirá un banda, e poz abrí na mercado di cabritunan di e donjo di Lagoen cu por cai aden y danja te e awa. (Habitantenan di Lagoen no tin cabritu ni carné, pa motibo cu e donjo di Lagoen no ta permiti nan pa cria tal animalnan. Nos a mira cu e boca di poz ta mashá abao, apenas te na altura di rudia di un hende, loke por ocasioná cu cualkier mucha cu ta saca awa por cai aden. Si e tanki tabata na orden y e poz bon tapá no tin peligro. Awe porfin despues di un anja di padimento, nos a ser informá pa Districtmeester, cu un drechamento a tuma lugar.

Na Libié tin un poz L.B.Nº1
sinembargo habitantenan di Libié
ta sufri pa awa, debí cu e poz ta
pover di awa y e poco awa cu nan
por hanja ta sali cu un color.
cu e hendenan no por usé ni pa
bebe ni pa laba panja. Ta deseable
cu departamento di acueducto pone
man na obra y larga limpia e poz
o pone un tanki y kranchi, afin
cu e hendenan di Libie hanja un
yudanza den e loke nan tin mesté
di mainta tempran te anochi laat.

Den N° 11 di NOS LUCHA bao di
SITUACION DESASTROSA, nos a comen-
tá loke Sr. P.J. di Wacao a conta
nos, tocante morto di Sra D.L. y
awe nos kier participa na nos lec-
tornan, cu nos a ser informá pa
Districtmeeste, cu na momento cu
na e oficina di Districtmeester
nan a duna permiso pa dera e mor-
to, ya tabatin declaracion di Dok-
ter caba y cu den tal caso na e
oficina aki por duna permiso pa
dera, di acuerdo cu e ley estipu-
lá pa Departamento di Sanidad,
esta despues di 12 ora y no mas
tardá cu 24 ora. Esaki cu e fin
di facilitá donjonan di morto,
pa no mester bolbe bai te cerca
dokter.

Remitido

Sr. Redactor:

Desde aparición di NOS
LUCHA tur hende por a ripará
cuanto articulo a aparecé den
Dje, cu tabata trata puntonan
di masjá interés pa nos pueblo.
E pregunta cu e articulonan
ei ta obligá mi haci ta:
Autoridadnan competente ta te-
ne cuenta cu e quehonan cu con-
stantemente ta sali den NOS
LUCHA ?? Ta parece mi cu no.
Pesei mi kier suplica Sr. Re-
dactor di manda un ejemplar
di NOS LUCHA pa cada departa-
mento di Gobierno, cu mester
tuma nota di un u otro arti-
culo cu aparecé den NOS LUCHA
y si no ta mucho inapropiada,
marca e articulo cu un marca
di cualquier color fuerte, pa
hala atencion di e departamen-
to conceniente riba e articu-
lo. Mi por a nota cuanto arti-
culo a aparecé den NOS LUCHA
riba proceder di Dr. Spitzer,
pero te ainda ningun hende por
a nota cu departamento di Sa-
nidad publica a tuma ningun
medida pa mejorá e situacion
pa e miles di habitantenan cu
ta confiá na cuidao di e estran-
jero aki. Te ainda E tin prac-
tica particular abordo di va-
pornan cu ta anclá den Schotte-
gat.

NOS LUCHA a queha tambe tiba e
planchanan di heru na Berg Al-
tena cu ta un peligro pa tran-
suentenan (ora awa cai peli-
grösísimo) y un estorbo enor-
me pa esnan cu ta biba den e
vecindario, pero te awe departa-
mento di Obra publica no a
haci nada pa mejorá s situacion
fatal aki.

Otro queho di NOS LUCHA ta-
bata e peligro cu paramento
di auto riba De Ruyterkade (den
cercania di brug Koningin Wil-
helmina) por ocasioná. Autori-
dadnan policial a kere cu por
eliminá esaki, cambiando un
H.bord (pare di autobus) di
un lugá na otro, loque den ni-
den sentido a juda. Lo mi kier
proponé na autoridadnan policial
di larga un hende cu por huz-
ga para durante dos o tres
dia na e lugá ei y luego rapor-
tá cuanto bez trafico ta keda
pará durante algun minuto pa
motivo di e autonan cu ta para
na banda di caminda (sin tene
cuenta cu e distancia estable-
cí den Politiekeur, cu un
auto mester para for di un
squina di caya) ta stroba tra-
fico.

Sr. Redacot Gracias anticipá
pa espacio concedí.

LOT.

Nota di Redaccion.

Cu muchu gusto nos lo duna cumplimento na e suplica justa di Sr. L O T.

BERDAD TA VENCE.

Sr.Redactor presta mi y permiti mi un espacio den Bo courant tan apreciá "NOS LUCHA" editá pa un pueblo digno, pa mi por mani manifestá mi humilde opinion, en cuanto "movimientonan di actualidad" Cu calmo profundo m'a lesa y tende loke un gran cantidad di hende a scirbi, papia y discutí, hasta hanja pleitu mes, en cuanto autonomia. Awor mi humilde persona no por papia di e libertad aki, manere hopi di r CELEBRENAN (principalmente DEMOCRAANAN) pasobra, segun mi mente y asina ta tambe, cu autonomia ta nificá libertad politica, asina ta cu lo mi papia di autonomia den tal sentido.

Sr. Redactor di NOS LUCHA, ta parece cu diferente di e personan ei, ta pensa cu e pueblo chikitu aki, e pueblo humilde aki, of mi'n sa ki nomber mas nan lo kier dunele, no tin ningun interés politica y cu ta manera nan ta haci, ta keda bon (ki ridicules) Querido Lectornan, ningun hende tin derecho pa pensa asina. Nos cu ta considerá como chikitu, ta mira, ta lesa y ta tende tur foutnan cu ta pasa y na unda nos ta bai ? ta cua ta e courant cu ta tuma nos quehonan nos reclamonan y nos suplicananan na pecho ? cu excepcion di NOS LUCHA ?

Querido lectornan, tin hopi di e personan ei, cu ta kerenan politico y ta desaprobá tur loke ta husto y sano y ta haci fantasia bira berdad pa nan, p.e. den DEMOCRAAT mi a lesa di un GAI cu a spanta pa Fls 300.- Mi amigu bo'n ta comprende cu ta mofa di bo nan te ten ? Volciendo riba autonomia nos a mira e lucha den nos pueblo cu wowo strafe, e gran celebrenan ta scirbi y ta pretendé tambe, bisando cu ta partida DEMOCRAAT a lucha pa autonomia y danki Dios pa Democraat sino nos lo'n hanja e libertad ei nunca.

Den un otro articulo mi a lesa y a tende cu nan ta bisa cu Doctor D.C.Gomez mes no a haci nada. Den Democraat di dos luna pasá, nan a scirbi diciendo."D.C.Gomez no tabata elegí pa bai Holanda den e comision di Staten pa asunto di autonomia y cu ta Democraat a sede un chens." Querido lector esaki ta berdad y berdad ta tambe cu ta Dr.D.C.Gomez a sali elegí como president di e comision.

Awor mi kier puntra, pakiko ta un Democraat a cede su chens na Dr. y no na un otro Democraat y pakiko Democraat como mayoria no a nombra un Democraat como president ?

Por ta, cu ta pa nan hanja cos di tira na nos cara o por ta cu Dr. ta e unico homber den Staten cu por trata asuntonan delicado manera e asunto aki ? Mentira ta malu, pero sconde loke ta berdad tambe ta malu.

D.C. Metsel.

PATRIOTISMO.
(continuacion)

Aunque con triste y sentimental e despedida ta, sentimentu patriotico, ta manda cu a costo de todo, di bida mes, e hombernan ey a pone nan dispuesto pa sacrificá nan mes pa nan patria. Mi rumannan den lucha, nos a caba di ser testigu di e escena na Europa cu ya a pasa y a admirá sacrificio, patriotismo y e valor di cada un di e soldadnan. Eseyan tabata soldánan cu a bai un guerra sangrienta. Pero e guerra ey a caba. Awor

no
,ma
ma
ra
li
fer
tan
ta
ey
pa
pa
ta
Co
UN
SA
di
pa
so
Cu
ba
ma
gá
to
ci
co
ci
gl
di
no
ta
ta
Oh
no
po
mo
ca
fl
be
un
CO